



**Հ Ա Յ Ա Ս Տ Ա Ն Ի Հ Ա Ն Ր Ա Պ Ե Տ ՈՒ Թ Յ ՈՒ Ն**  
**Կ Ո Տ Ա Յ Զ Ի Մ Ա Ր Զ**

**ԾԱՂԿԱԶՈՐ ՀԱՄԱՅՆՔԻ «ԾԱՂԿԱԶՈՐ ԶԱՂԱՔԻ  
ՆԱԽԱԴՊՐՈՑԱԿԱՆ ՈՒՄՈՒՄՆԱԿԱՆ ՀԱՍՏԱՏՈՒԹՅՈՒՆ» ՀԱՄԱՅՆՔԱՅԻՆ ՈՉ  
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ**

**Ա/Զ Լևոն Սիմոնյանին**

(ք Յրազդան Երևանյան 7/12,  
Էլ. փոստ՝ [mesropsargsyan@mail.ru](mailto:mesropsargsyan@mail.ru) )

**Ծ Ա Ն ՈՒ Ց ՈՒ Մ**

**Պայմանագրի 17-րդ չափաբաժինը միակողմանի լուծելու մասին**

Ծաղկաձոր համայնքի «Ծաղկաձոր քաղաքի նախադպրոցական ուսումնական հաստատություն» ՀՈԱԿ-ի /այսուհետ՝ Պատվիրատու/ և Ա/Զ Լևոն Սիմոնյանի /այսուհետ՝ Ընկերություն/ միջև 16.01.2023թ. կնքված «**ՃՆՈՒՅ-ԳՀԱՊԶԲ-23/1-1**» ծածկագրով **սննդամթերքի մատակարարման** պայմանագրի (այսուհետ՝ Պայմանագիր) 1.1 կետի համաձայն՝ «Վաճառողը պարտավորվում է սույն պայմանագրով սահմանված կարգով, ծավալներով, ժամկետներում և հասցեով Գևորգին մատակարարել պայմանագրի N 1 հավելվածով՝ Տեխնիկական բնութագրով նախատեսված ապրանքը (այսուհետ՝ ապրանք), իսկ Գևորգը պարտավորվում է ընդունել ապրանքը և վճարել դրա համար:

26.01.2023, 07.02.2023 և 10.02.2023թթ. Պատվիրատուն Էլեկտրոնային փոստի միջոցով, ինչպես նաև բանավոր կերպով դիմել է Ընկերությանը՝ «Տավարի միս» մատակարարելու պահանջով, սակայն համապատասխան քայլեր չեն ձեռնարկվել, պահանջվող ապրանքը չի մատակարարվել և Ընկերությունը չի կատարել պայմանագրով նախատեսված պարտավորությունները Պայմանագրի 17-րդ չափաբաժնի մասով:

ՀՀ քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

Պայմանագրի 2.1.7 և 2.1.7.1 կետերի համաձայն՝ Գևորգը իրավունք ունի միակողմանի լուծել պայմանագիրը (ըրիվ կամ մասնակի), եթե Վաճառողն Էականորեն խախտել է պայմանագիրը:

Վաճառողի կողմից պայմանագիրը խախտելն Էական է համարվում, եթե  
ա) մատակարարվել է անպատշաճ որակի ապրանք, որը չի կարող փոխարինվել Գևորգի համար ընդունելի ժամկետում,

բ) ապրանքի մատակարարման ժամկետները խախտվել են 2 օրից ավելի:

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

Հաշվի առնելով այն հանգամանքը, որ Ընկերությունը խախտել է պայմանագրով սահմանված պարտավորությունները՝ Ծաղկաձոր համայնքի «Ծաղկաձոր քաղաքի նախադպրոցական ուսումնական հաստատություն» ՀՈԱԿ-ը, ղեկավարվելով վերը նշված իրավական հիմքերով, միակողմանի ամբողջությամբ հրաժարվում է Պայմանագրի 17-րդ չափաբաժնից՝ համարելով այն լուծված՝ 840000 /ուլթ հարյուր քառասուն հազար /ՀՀ դրամ գումարի չափով:

Պատշաճ ծանուցումն ապահովելու նպատակով՝ կկիրառվի ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման մասին» Կարգի 33-րդ կետի 17-րդ ենթակետով սահմանված դրույթները:

Հայտնում ենք նաև, որ հիմք ընդունելով «Գնումների մասին» ՀՀ օրենքի 6-րդ հոդվածի 2-րդ մասի պահանջները՝ Պատվիրատուի կողմից կնախաձեռնվի Ա/Ձ Լևոն Սիմոնյան-ինգնումների ընթացակարգերին մասնակցելու իրավունք չունեցող մասնակիցների ցուցակում ներառելու գործընթաց:

Ընկերության տվյալներն օրենքով սահմանված կարգով կներկայացվեն լիազոր պետական մարմին:

Միաժամանակ տեղեկացնում ենք, որ Ընկերության կողմից տուժանքի ձևով ներկայացված պայմանագրի և որակավորման ապահովումները սահմանված կարգով կներկայացվի ընկերությանը սպասարկող բանկ՝ տուժանքի մասին համաձայնագրով սահմանված գումարները Պատվիրատուի 1510003052690100 հաշվեհամարին փոխանցելու նպատակով:

**Ծաղկաձոր համայնքի «Ծաղկաձոր քաղաքի  
նախադպրոցական ուսումնական  
հաստատություն» ՀՈԱԿ**

տնօրեն *Ն. Ասատրյան* Ն. Ասատրյան

